

দেশে শিক্ষিত বেকার ২২ লাখ ১৭ হাজার

নিজস্ব প্রতিবেদক •
বর্তমানে বাংলাদেশে শিক্ষিত
বেকারের সংখ্যা ২২ লাখ ১৭ হাজার
৫৬৯ জন বলে জানিয়েছেন যুব ও
ক্রীড়া প্রতিমন্ত্রী, বীরেন শিকদার।
গতকাল জাতীয় সংসদে সফুরা
বেগমের প্রশ্নের জবাবে তিনি এ তথ্য
জানান। বাংলাদেশ খুঁরো অব
স্ট্যাটিস্টিক্স কর্তৃক সার্ভে করা সেন্টেম্বর
২০১৫ পর্যন্ত রিপোর্ট অনুসারে শিক্ষিত
বেকারের সংখ্যা নির্ধারণ করা হয়েছে
বলে জানান তিনি।

সংসদে দিদারুল আলমের প্রশ্নের
জবাবে যুব ও ক্রীড়া প্রতিমন্ত্রী জানান,
ন্যাশনাল সার্ভিস কর্মসূচির আওতায়
দেশের বেকার যুবসমাজের বেকারত্ব
দূর করার জন্য মোট ১ লাখ ১১ হাজার
৮১৬ জনকে প্রশিক্ষণ দেওয়া হয়েছে।
তাদের মধ্যে ১ লাখ ৮ হাজার ৭৮২
জনকে জাতি গঠনমূলক কর্মকাণ্ডে
সম্পৃক্তকরণের মাধ্যমে অস্থায়ী
কর্মসংস্থান সৃষ্টি করা হয়েছে। তিনি
জানান, এ পর্যন্ত দেশের ২৮টি জেলার
৬৪টি উপজেলা ওই কর্মসূচির
আওতাভুক্ত। ন্যাশনাল সার্ভিস
কর্মসূচির নীতিমালা অনুযায়ী
পর্যায়ক্রমে এই কর্মসূচি দেশের সব
জেলা-উপজেলায় সম্প্রসারণের
পরিকল্পনা রয়েছে।